



## CONCELLO DE CERVANTES

N.I.F: P-2701200 D  
Tel. 982 36 49 04 – Fax. 982 36 49 10 – Rúa Deputación s/n – 27664 CERVANTES (Lugo)  
concello.cervantes.cervantes@eidolocal.es

### ACTA DA SESIÓN ORDINARIA CELEBRADA POLO PLENO MUNICIPAL O 27 DE XANEIRO DE DOUS MIL DEZASEIS.-

#### Asisten:

Alcalde: D. Benigno Gómez Tadín

#### Concelleiros:

D. Luís Alonso Álvarez  
D. Luís García López  
D. Eduardo Pérez Gutiérrez.  
D. Fermín Digón López  
D. Jesús Digón Rodríguez  
D. José López Fernández  
D. Javier Santín Vilor  
D. Marcos Rodríguez Santín

Na Casa do Concello a 27 de xaneiro de dous mil dezaseis, sendo as dezanove horas, comparecen os Sres. Concelleiros ao marxe reseñados, a fin de celebrar sesión ordinaria do Pleno en primeira convocatoria. Preside o Sr. Alcalde- Presidente e da fe do acto a Secretaria da Corporación, Dona Alejandra D. Fandiño Sánchez

Aberto o acto pola Presidencia, previa comprobación pola Secretaria do quórum de asistencia preciso para que poida ser iniciada, procedeuse a trata-los asuntos que figuran na “Orde do Día” e que son os seguintes:

#### Secretaría:

Dª Alejandra D. Fandiño Sánchez.

### PARTE RESOLUTIVA

#### 1.- OBSERVACIÓNES QUE SE FORMULEN AO BORRADOR DA ACTA DA SESIÓN CELEBRADA O 17 DE DECEMBRO DE 2015.

Pola Presidencia pregúntaselles aos Sres. Concelleiros asistentes se teñen algo que obxectar respecto da redacción da acta da sesión celebrada o día 17 de decembro de 2015.

Acto seguido, a Presidencia somete a votación este punto da Orde do día, acadando o resultado seguinte:

A Corporación, aproba por unanimidade dos Sres. Concelleiros presentes na sesión o borrador da acta da sesión que tivo lugar o día 17 de decembro de 2015.

#### 2.- MOCIÓN DO GRUPO MUNICIPAL DO PARTIDO POPULAR A FAVOR DO INFORME TÉCNICO PRESENTADO AO CONCELLO PARA A DISTRIBUCIÓN DAS UNIDADES DE OBRA NO “ACONDICIONAMENTO DO CAMIÑO DO NÚCLEO DE RÍO DE CASTRO.

Dáse conta da moción do grupo municipal do Partido Popular de 20.01.2016 (rexistro de entrada nº 54 de 20/01/2016), a favor do informe técnico presentado ao concello para a distribución das unidades de obra no “Acondicionamento do camiño do núcleo de Río de Castro (rexistro de entrada nº 53 de 20.01.2016), que transcrita literalmente di:

“D. Javier Santín Vilor, como concelleiro do Grupo Municipal Popular no Concello de Cervantes, en nome e representación do mesmo e ao amparo do establecido nos artigos 91.4 e 97.3 do Regulamento de Organización, Funcionamento e Réxime Xurídico das Entidades Locais de 1986, leva ao Pleno da Corporación para o seu debate a seguinte



## CONCELLO DE CERVANTES

N.I.F: P-2701200 D  
Tel. 982 36 49 04 – Fax. 982 36 49 10 – Rúa Deputación s/n – 27664 CERVANTES (Lugo)  
concello.cervantes.cervantes@eidalocal.es

### MOCIÓN EN FAVOR DO INFORME TÉCNICO PRESENTADO Ó CONCELLO PARA A DISTRIBUCIÓN DAS UNIDADES DE OBRA NO "ACONDICIONAMIENTO DO CAMIÑO DO NÚCLEO DE RÍO DE CASTRO"

#### EXPOSICIÓN DE MOTIVO

- Debido a intención que ten o Concello de acondicionar os camiños públicos do pobo de Río de Castro, grazas ao convenio firmado coa excema. Deputación de Lugo. Vendo que non se comezaron as obras e non se executou a parte correspondente ao ano 2015, o Grupo Popular presentamos un informe técnico da empresa INGESYMA no que se detalla unha proposta de distribución das unidades de obra para axilizar as obras.
- Sabendo que hai que garantir sempre un reparto equitativo para o conxunto e acollerse as necesidades reais de todos os veciños e vivendas do pobo.
- Entendendo tamén, como así foi certo, que as dúas últimas actuacións do Concello nesta aldea foron moi puntuais e que ata discriminatorias, o Grupo Popular expón:

Someter ao Pleno do Concello de Cervantes a adopción dos seguintes **ACORDOS**:

- Acoler a ben as indicacións propostas e detalladas no informe técnico presentado por rexistro ó Concello con nº 53
- Levar a cabo as melloras atendendo sempre a titularidade pública e as necesidades reais de todos e cada un dos veciños.
- Manifestar o interese en acondicionar tamén, se e o caso, e nun futuro, os accesos as vivendas que non sexan beneficiadas deste proxecto. "

Toma a palabra o Concelleiro do Partido Popular Javier Santín Vilor e afirma que a proposta de actuación do "Acondicionamiento do camiño do núcleo de Río de Castro", vemos que a parte correspondente ao 2015, prevista no convenio asinado coa Deputación non se executou.

Resposta o Sr. Alcalde dicindo: nos temos intención de facela , pero ainda non se aprobaron os orzamentos da Deputación e non sabemos que se se recollerá

Toma de novo a palabra Javier Santín Vilor dicindo: cando pedimos información sobre o convenio , no expediente so constaba unha memoria valorada, sen detallar o reparto das unidades de obra. Nós con este informe nos ceñímos ás unidades de obra, para proponer que sexa un reparto equitativo. É unha proposta de "aportar" en non de criticar.

Intervén o alcalde: hai uns anos se fixera algo cando o concello contaba con brigada. A subvención a pedira Eduardo e nós colaboramos aportando man de obra. De todas maneras, se compromete a que se non vai adiante o convenio asinado coa Deputación intentará buscar financiamento para executala. Ademais afirma que a memoria que presenta o grupo municipal do Partido Popular non ten sentido por que é o mesmo.

Resposta Javier Santín Vilor que na memoria elaborada polo concello o reparto das unidades de obra non están clarificadas e que só pretenden un reparto equitativo das unidades de obra.



## CONCELLO DE CERVANTES

N.I.F: P-2701200 D  
Tel. 982 36 49 04 – Fax. 982 36 49 10 – Rúa Deputación s/n – 27664 CERVANTES (Lugo)  
concello.cervantes.cervantes@cidolocal.es

Intervén Luis Alonso e sinala que eso se poderá falar non momento que se vaia a facer a obra, e que se terá en conta dito informe técnico, ao que resposta Jose López Fenández que eles xa propoñen como se debe facer a obra.

A Corporación municipal, con tres votos a favor do grupo municipal do Partido Popular e seis en contra do grupo municipal do grupo do PSOE, en votación ordinaria,

### A C O R D O U:

**Primeiro.-** Rexitar a Moción presentada polo grupo municipal do Partido Popular a favor do informe técnico presentado ao concello para a distribución das unidades de obra no "Acondicionamento do camiño do núcleo de Río de Castro

### 3.-PROPOSTA DE DERROGACIÓN DA ORDENANZA FISCAL REGULADORA DA TAXA POR PRESTACIÓN DO SERVIZO DE FOTOCOPIAS.-

Propúse pola alcaldía a derrogación da ordenanza fiscal reguladora da taxa por prestación do servizo de fotocopias, aprobada polo pleno en sesión celebrada o 30 de novembro de 1998, publicada no BOP de Lugo nº 67 de 24 de marzo de 1999, xa que na práctica non se están cobrando e supoñían escasos ingresos.

A Corporación municipal, por unanimidade dos membros presentes, en votación ordinaria,

### A C O R D O U:

**PRIMEIRO.** Aprobar inicialmente a derrogación da Ordenanza fiscal reguladora da taxa por prestación do servizo de fotocopias.

**SEGUNDO.** Dar ao expediente a tramitación e publicidade preceptiva, mediante exposición do mesmo no taboleiro de anuncios deste Concello e no Boletín Oficial da Provincia, por prazo de trinta días hábiles, dentro dos que os interesados poderán examinalo e expoñer as reclamacións que estimen oportunas.

**TERCEIRO.** Considerar, no caso de que non se presentasen reclamacións ao expediente, no prazo anteriormente indicado, que o Acordo é definitivo, en base ao artigo 17.3 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais.

### CONTROL E SEGUIMENTO DA XESTIÓN

### 4.-ASUNTOS DE URXENCIA

Non houbo

### 5.-DACIÓN DE CONTA DOS DECRETOS DE ALCALDÍA.



## CONCELLO DE CERVANTES

N.I.F: P-2701200 D

Tel. 982 36 49 04 – Fax. 982 36 49 10 – Rúa Deputación s/n – 27664 CERVANTES (Lugo)  
concello.cervantes.cervantes@eidolocal.es

Dase conta dos decretos de alcaldía dende o 17 de novembro de 2015 ó 19 de xaneiro de 2016 . .

### **6.- ROGOS E PREGUNTAS.**

Toma a palabra Javier Santín Vilor e en relación coa pista de Vilar de Mouros, o escrito que presentamos o outro día, no rexistro do concello si se ten previsto facer algunha actuación ou pedir unha subvención para arranxa-la .

Resposta o Alcalde que se taparon os baches o ano pasado e estamos a espera de que saia a subvención de Agader para mellora de camiño municipais e estudar cales se van a propor arranxar.

Tamén se está valorando incluir no Plan Provincial de obras e servicios da Deputación o acceso de Vilartote, uns 200 m de acceso a igrexa de Dorna e outra actuación máis que nese intre non recorda.

Pregunta de novo o concelleiro Javier Santín se non sería compatible coas subvencións que sairon recentemente no Doga da Xunta de Galicia.

Resposta o Alcalde que se solicitaron varias (para adquirir unha fotocopiadora para as oficinas municipais, o obraoiro de emprego e para a adquisición dun dumper, entre outras).


Pregunta Javier Santín se sobre a obra da ponte de Casas do Río so soubo algo novo.

Resposta o Alcalde que si a incluiron, subvencionan o 50% e se intentará negociar que o resto o subvencione a Deputación.

E non habendo máis asuntos de que tratar, seguindo a orde do día, pola Presidencia dáse por rematado o acto e levántase a sesión sendo as dezanove trinta da data expresada ao comezo desta, de todo o cal eu, Secretaria, dou fe.

**O ALCALDE-PRESIDENTE**

Asdo.: Benigno Gómez Tadín



**A SECRETARIA**

Asdo.: Alejandra D. Fandiño Sánchez

